

番外音財

和書門

類	二	六	六	〇	二
函	七	〇	〇	〇	二
架	八	〇	〇	〇	二
冊	八	〇	〇	〇	二

洋書

庫	方	明	内
二〇七函	内閣文庫		
二架	番號	和	26602
	冊數	8	(7)
	函號	207	208




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





五山堂詩話補遺卷二

漢章文庫

娛庵居士著

西水咏此間櫻花者大唯知有宋景濂詩偶檢
 祝枝山懷星堂集有一絕云剪雲彫雪下瑤空
 綴向蒼柯翠葉中晉代桃源何足問蓬山異卉
 是仙風比景濂詩頗覺貼切題云和日本僧省
 佐咏其國中源氏園白櫻不可言源園者不
 知何所指

詩話補遺 卷二

集中另有答日本使一律題下注二姓橋心省
佐相國寺僧詩云日邊來寺心何時說占申
復到寅遙指北辰趨帝座却經南甸駐行麾詩
名愧動雞林客禪諦欣參鷲嶺師回首山川渾
渺邈只看明月慰相思第二句下又挿自注云
海舶行憑指南鍼日本本在寅由南折西指申
却迴還近寅乃中國濱寅讀若夷亦可以補西
峰北山二先生所收之闕漏矣

迷藏之戲肇於唐明皇以錦帕畏日在方丈之
間互相捉戲致虛閣雜組詳載其事過庭錄有
題扇上畫小兒迷藏詩云誰剪輕紈巧織絲春
深庭院作兒嬉路郎有意嘲輕脫只有迷藏不
入詩按明詩綜收秦徵蘭天啟宮詞幾首其一
云石梁深處夜迷藏霧露冥濛護月光捉得御
衣旋放手名花飛出袖中香謂迷藏始入詩
矣

酒瓢詩見張曲江集賴杏坪近寄示其七排長
篇環竒跌宕曲磔其狀今錄以傳公余求酒
瓢久不得佳者已卯秋侄襄獲古瓢遠贈愛玩
之餘賦此為謝詩云百乳金罍麟鳳膺八廉玉
爵雪霜稜人工終覺風標乏天鎔誰知聲價增
敦爾漫生如自得呀然徒繫似無能喧逐昔日
棄箕嶺真率何時托少陵鐵拐晉間曾帶葉壺
公市上久懸繩一朝搜索于何獲千里裝齋向

我矜云是償書十五幅料應容酒二三升訪遺
謝汝勞精鑿玩物慙吾恣老顛栗紫色濃知歲
久金堅理密喜盈恒上如顛頰鶴頭瘦下似臍
臍蟆腹瘕護吻雙環飾烏錫絡腰單篋猶蠻藤
記銘臍側題朱字穿孔鼻端施綠滕苦硬茅紫
賒野店酸甜般右乞山僧乘暄晨搭探梅杖祛
凍宵傳觀雪燈林鳥催提語咽折家僮懶挈髮
鬪鬚歸時貯月擬坡老覺處落花思禹偁練句

摩挲加澤澤放吟擊折發鑿鑿未湏足嘴漆膠
 補還為安臂袒禪承持滿疑留形翠兀盈科緩
 瀉響砰砵纒餘試聽頻傾耳既倒牽眠換曲肱
 不怒大呼逢醉尉奚妨重聽托聾丞自注余時掌郡事
 寧筐陀儼養幽蠹未垢葫蘆引穴蠅賽獲大匏
 維祖禰類繭紹昧蓋雲仍寵為酒器志應足破
 作蠶輪情曷勝欲蔣新甌生後嗣安尋舊葛越
 荒騰彌明石鼎句難續韓奕鶴瓢文可騰濩落

休言性菌蠹澹虛自負氣峻嶒廟堂肯願六羣
 伍陋巷長盟一篋朋

館柳灣金山雜咏紀其民俗注其事實讀之殆
 有摩挲異錦之想一云靈洞雲蒸紫彩疑蒼巖
 護礦勢峻嶒要知昭代多嘉瑞看取深山寶藏
 興二云鉅聲遙警白雲涯細聽硜硜金石諧山
 卒下來相報道曉光今日不勝佳三云夢後山
 堂夜氣清穿林落月弄微明端知鬼魅堪驚走

燒石場中霹靂聲四云山丁陟險自跳梁負礦
歸來意氣揚小埤鎚推淘汰去椀中留得紫磨
光碎礦石少許盛黑漆小椀水中淘汰而驗金
屑多寡謂之椀挂五云細泉和粉落磴流板面
鱗鱗金屑稠憶得隅江繫舟夜水光秋滿月波
樓流板廣一尺長四尺有奇板面鋸痕為魚鱗
礦粉和水用石磴磨之磴口置板承之細筴引
泉而注之砂石流去金屑留于鋸痕六云藍裙

褙袖破瓜羊一朶山花鬢上妍偷照打金槽裏
水時時顧影自相憐打金槽長六尺有奇廣二
尺許深稱之剗木而作形如獨木船槽中貯水
覆流板浮于水上打板背金屑盡落于槽中七
云老娘持板石床臥汰去汰來整復斜五尺方
池波拍岸山場也見浪淘沙淘金板方三尺有
奇形似箕而淺淘汰礦彩去沙取金謂之板取
婦人之職也非老練者不能任事八云靜聽確

場鐵杵聲山廳偏覺宦情清自疑身是仙庭吏
煉石成金上玉京

偶翻舊麓得如亭七友歌贈栗十洲詩云因是
作文馬脫羈殘視韓蘇欲橫馳五山詩佛詩靈
敏一題到手嫌撚髮豈唯斗酒一百篇怒罵嬉
笑皆是詩勤齋腕勁鐵作筆秦篆漢文寫無遺
弘齋學書池已黜運鋒工妙畫沙雖雲室禪餘
喜點染脫盡俗蹊老更奇六人久已相爾汝今

來又有十洲知嗚呼如亭逝矣十洲墓木亦已
拱六人者雖曰無恙衰老日迫今多不如詩中
所言讀之能無愴然

秋田介川景字子明號綠堂詩品高逸極肖其
人榕齋嘗與余過其邸舍酒間論詩彼此抒懷
詹詹之言亦頗見納齋前栽竹云移栽故使近
書床翠蘸硯池土細香吟趣添來官趣少塵情
鹿去野情長好留閑客迎新月儘引幽禽下夕

陽從是夢魂方得逸幾回驅役向瀟湘偶成云
沈烟細細竹窓間身正閑時心亦閑讀罷南華
枕肱睡清風吹夢繞溪山五言雜詩云江海容
萬流何曾別濁清珠璣與蛟龍總向其中生松
柏磊落質芝蘭幽貞姿賦性雖各異愛重我均
之摘句云晚波鷗外碧春草犢邊香涼雲魚肚
白晚嶺佛頭青一枕荷香風度水半窓松影月
離山造化兒誰知被狡信天翁我愛其迂亦皆

清妙

山形堀越茂行字怒赫號水里休澣之暇以詩
自奮秋蝶云曾趁羣芳滿意狂多情猶自惜秋
光飛揚歛得輕盈態棲宿投來寐寔鄉半畝菊
叢纔占暖一林楓葉只嫌霜風流韓壽前生事
不記偷香去過墻初夏雨晴云風雨村園抵死
狂惜花樂日惱塗腸新晴入夏吾無用付與蠶
姑供採桑秋熟云暑退今年比例遲驕陽當午

室如炊，新秋未見清風至，恰似故人來。誤期皆不愧作者。

失明能詩者，蘭亭藍水以後，寡寡無聞。近有和公進者，號湘夢，南部田名部人，辛巳出都就余而學，其讀諸集，倩人誦之，隨誦隨質，他日覆述百不爽一，其敏如此。詩亦捷才，篇什累百，未幾以母疾還鄉，余僅記其二絕：春盡云雨餘，嫩綠單窓紗，斷送殘春嬾，又如閑向斜陽尋句坐，何

來一片送風花，畫倦云展來，倦脚卧筠床，風擺檐鈴特地忙。知是近村過雨後，分將餘爽送新涼。斯人長進有成，則今之仲言也。

詩云白石燦于余，於白石詩人月庭瓊響以下採掇無遺。今又得片倉子彥二絕錄以完燦于之美。山中晚晴云：飛雨過溪晴景閑，石橋人去水潺潺。誰將瀚墨分濃淡，寫出殘雲遠近山。秋夜旅懷云：自別家山再值秋，夢醒半夜獨凭樓。

月中砧杵風中笛故為羈人來結愁子彥名盛
邦號竹嶼

福島漱芳公子諱勝休性愛文墨天不假年以
庚辰捐館其家人西脇子約抱遺集來謀存佳
作為裁寸錦以傳其美村居云邨居無一事境
僻自風流花徑晨拖杖柳塘晚喚舟漁樵全混
跡簪紱久忘儔遮莫春光老青山破睡眸三月
盡云雨晴嫩竹一番新萬玉成圍鎖四鄰芳芷

微風將入夏飛花流水已無春今年又送韶光
盡明日還追綠景親造化悠悠何可恨不妨別
我苦吟身信陽道中云客路風光破寐然與窓
眠覺嫩寒天忽驚滿地堆秋雪不道蒼花白一
川

會田琬字德卿初名脩號稼堂為子約同僚朴
質寡言極有詩才初入余社殆將以貌失之庚
辰罹疾明年亦復下世子約又哀其遺詩使余

錄存晚步云路入山間數十程芒鞋竹杖稱閑
行西村斜照東村兩聽取鶉鳩三五聲牧童云
斜風細雨送殘暉黃葉溪頭一徑微閑却腰間
青竹笛草繩緩曳老牛歸冬夜偶成云課程未
了就眠遲獨坐更深寒上肌唵骨誰知癯似鶴
飢腸自笑潔如龜為憐多病強停飲緣遣閑愁
只愛詩無事偏知貧有味一燈韭几足生涯此
一律自道太盡可當一幅傳神矣

子約名榮號薪齋詩尤嫻雅亦同德卿從余而
學美竹雖枯芳蘭無恙我詩苑幸未寂寞也游
絲云捲舒宛轉掠吟眸緯地經天儘自由花底
繚紅牽蝶夢柳邊拖翠結鶯愁細飄江上風能
軟輕罩原頭暖欲浮只恨纖纖無氣力不維白
日下西樓山中泉云濺濺淙淙和夢鳴山窓眠
醒不勝清只知喧殺幽人耳不向城中分半聲
贈手爐云寒窓無奈粟生肌唯有銅爐溫暖宜

十指春回苦吟底，摸稜獨自愧君知。

甲斐僧無染名翼字，東鶴號松廬住其國荻原。
法正寺往歲遊南紀，入春川南嶠之社戊寅夏。
介南嶠書而來見贄，以詩城小藁一卷就中抄。
二首新竹云：簣籥解籜上溪雲，嫩葉風吹細細。
薰且喜新梢抽直節，已看疎影拂清氛。不培能
致高千尺，無染誰添碧。十分最是晚來多，氣色
湘簾相映送斜曛。春晚風雨云：顛狂風雨撲紫

扉蜂蝶園中總解圍，又使詩情無著處。殘紅刺
紫作塵飛。

駿中清新之詩，荷溪唱之，雲嶺和之，繼之者有
晴槁。經歲之久，社盟屢渝，可亭為客之日所創。
水月社今已散潰，可亭亦尋止。水月二字頗似
成識。雲嶺晴槁重收餘燼，改命曰樵雲社。新進
穎脫得大家，桂巖雪溪伯仲二子，孰及有久張
軍可期。伯氏名精字秋暉，舟居云孤棹飄然西

又東妻孥同寄一船中只言咫尺蓬窗小坐占
吳頭楚尾風不睡云半落燈花綴玉蟲心頭百
事自成業縱能今夕放眠得亦著窮愁在夢中
仲氏名皎字一白秋曉云蟲韻稀疎蟾影空貪
涼閑立曉園風怪生不借新霜力籬邊先染雁
來紅放鶴云手自開籠放汝飛雲邊望斷影依
微人窳謫墮經年久也應丹霄舊侶稀皆極有
趣同社又有渡邊葛亭者名寬長字龜齡有才

無壽詩亦散佚挂巖僅得一絕錄以求傳病中
登望嶽平云登山強試病中遊脚力雖慵儘遣
愁一望田疇八千頃黃雲滿地十分秋

雲嶺今又改名蘧字栩然示其近作題馬牛二
圖云碧蹄斫陣快如飈汗血淋漓灑戰袍怪底
鄮侯功第一一生與汝不同勞燒尾破燕功已
成時清一飽卧春晴桃花爛熳紅如火記否當
年即墨城新穎特甚又題睡猫圖云曾倚劉安

謝世緣却嫌，舐鼎去昇天。雲中不伍頑雞犬，獨向花陰學睡仙。雲嶺嗜睡，蓋亦有所托。

余客駿中，髯猶蒼蒼恍然。一夢殆如隔生前年。苾堂寄詩云：柳綠花紅鎖水烟，江令麗句薛濤箋。醒醉三日等閒別，容易相違十五年。蓋似不省白頭措大不復副此綺語者。未幾苾堂以事出都，豐肥異昔，更無當日瀟灑之態。彼此相見，驚歎而已。余嘗為苾堂題其行囊云：遊山隨侍。

一行囊莫恠，彭亨腹太張。幾處雲煙幾風月，括來總向此中藏。豈為今日之徵歟？苾堂今廢吟哦，銳意學書，書益道美，合得趙董北面。余謂苾堂曰：君幸為善書人，不為善詩人。苾堂曰：亦力不足也。余曰：不然。儻今為善詩人，則恐不免詩牛之目矣。苾堂始知其為戲，啞然大笑。詩牛事典見璿東雜抄。

素名羽山共字，久平號蘭園。頻頻寄書，以致景

慕之誠見愛如此豈可憇然為提一絕句春晚
云風雨殘春未肯收盡將紅紫委東流柳花無
賴翻知化化作青萍滿水頭郊行云霜餘柿實
獨分明林徑穿來墜葉輕二五人家殘照裏晚
風吹亂噪鴉聲

龜山十竹大夫以戊寅亡余於生前已錄其絕
句今又摘律詩以代挂劍梅雨云家家梅熟後
細雨滿山城林暗鶯無語水渾蛙有聲添香嫌

易潤檢字苦難明家恨妨琴興芭蕉鎮日鳴漁
父云自愛江湖活計輕機心久息與鷗盟一條
絲縷堪經世萬頃烟波可代耕蓬窓酒醒知月
上蘆邊眠足見潮生羊裘物色非吾事箬笠何
妨避利名水澤觀楓云烘日皁霜又舞風到邊
爛熳畫難工誰思夏木千章綠化作寒山一徑
紅不是齊人知水澤寧教京客詫高雄數枝上
擔何光景畫錦歸來照野叢水澤在北勢山中

言詩補遺
卷一
係龜山封內地以楓名邃林回溪一望如燒余
二十年前討探其地今讀此首坐有停車之想
履齋夏日云無復人來共詩料薰風晝永綠陰
清果然便腹下階步閑聽流鶯二兩聲何等流
暢又立秋雨云雨洗新秋過草堂床頭先覺午
眠長道來殘暑幾分苦領取清風一味涼十竹
有和云蟬聲百沸繞書堂未覺入秋清夢長一
雨無端蘇病骨山林先送上番涼履齋祭十竹

文有君不鄙我舉使司庠實蒙殊恩雖死靡忘
自今而後情與誰論皎皎眉目猶在目前諸語
可想其平生知己之遇矣

源政溫字子直號南嶺柳本侍醫憶友云故人
一別隔天涯邈矣歸期感歲華半捲疎簾春寂
寂晚風吹落木蘭花初冬山村云稻田芟盡澗
西東水碓聲中夕照空獨立蕭條索山子繩弦
雨腐不彎弓索山子見傳燈錄即嚇禽野人子

直性嗜麴蘖別又號醉佛自題其真云不是少
林跌坐人面山終歲背風塵何時見性初成佛
濁酒三杯醉裏春真率可喜又逢乳媪有感而
作云容顏經歲改話舊始相知歡喜似逢母眷
憐如視兒千莖口騷茁雙帶乳房萎曲問余今
日傳聞渠昔時細苗因雨長綠樹為霜衰空想
懷中鞠無由報重施至情之語自能動人賞菊
一絕云白如玉白黃似黃金黃却是金將玉

從頭無此香頗似誠齋小品

筱山池田德字公适黽勉讀書自號勉齋薄書
叢脞未嘗撓心竄喜涉史近日銳意攻左亦一
個傳癖矣偶得詠史二絕云西楚重瞳元不學
沛中隆準竟無文如何書種燔坑後却是英雄
降二君廟謨元是推車子鼎弼知他無起樓長
笑金陵三不足腥風捲起汴京秋論得痛快
容亭齋楓餘集三卷囑余曰是乃祖遺編也乃

祖名伸字季龍號省宇事林葛廬先生享元之音恐不足傳但追念之情不能自遏幸存一二以圖不朽余讀之方知容亭於詩雖曰天稟亦自有家承遽錄以傳客中春盡云他鄉春又盡不覺淚沾衣經雨柳偏暗無風花自飛身應天外老家只夢中歸愁坐蕭條裏黃昏未掩扉簡竹芳師云黃鸝元是屬僧家百轉春聲妙法華出定風前憑杖立也將禪味白梅花五言云一

官長作客多病也因人梅花癯似我竹葉醉輸人七言云數口有家忙裏老百年如夢客中過梅花驛裏春堪寄芳草池塘夢可尋

石信義字恭禮號復堂容亭同僚冲澹嗜詩亦千余吟社鷺羽扇云縞毛家愛樹奇勳掌握風生涼十分玉片搖來無點暑瑤花揮去絕纖氛床頭誰掬沙頭雪枕上時浮湖上雲只為幽人供把翫清高未肯近榴裙村景云高柳成陰不

見空溪流碧淺小橋通村家自得詩家趣門徑
無人掃落紅秋夜云河淡星疎月滿樓脩篁影
定夜風收寒蛩不似人情薄泣露聲聲送暮秋
皆極有風致

花木顯晦亦自有時匪直也人狹貫寒川郡前
山山中有畫寢櫻樹倚懸厓其大不知幾抱花
時遠望如雲出岫路險難通識者絕罕八九年
前一好事始披荊棘爾後墨客頻入探討累跡

畫寢櫻之名稍播四方畫寢古城名為寒川氏
墟暢齋嘗遊其地得三絕句云山盡有村村盡
橋探芳那管路程遙恠生一面巖頭雪領得春
風不肯消瓊瑤粧點白孱顏欲到花邊難可攀
知是仙妃絕塵俗春光牢鎖在深山聽盡溪聲
咽石譁山深樹密路欹斜一杯先應鼎春飲辛
苦尋來為此花此花有詩以暢齋為嚆矢
暢齋詠物諸作頗多清整今錄二首渙燈云誰

詩林選 卷二
將粘蚌點熒熒影蘸波心徹底清鷗鷺不驚星
萬點妻兒猶語夜三更風淒江上燄還冷雨暗
浦邊燃更明却思夜泊楓橋客愁眠相對夢難
成茶梅云萬點玲瓏綴玉英逐番開謝似相爭
幽香媚雪梅傳侶清節傲霜茶弟兄和靖宅邊
元未種季疵經裏獨無名誰知羣卉凋零後逢
着小春方始榮余商榷以為廷秀之下宗可之
上

暢齋以詩督課後髦其社曰玉蘭先舉赤潭赤
嶽二人詩二赤皆小豆島人赤嶽姓森名清類
字仲倫春晚郊行云尋詩杖屨未知賒行到山
村日已斜一樹桐花春寂寞畫胡聲裏兩三家
苦熱云端似吳牛息不勻矮檐無處避炎塵晚
雲底事還成惡閣住涼颼更惱人赤潭姓岡名
淡字伯雅午睡起云午睡醒來尚暢蟲懶情一
味困蒙蒙芭蕉厚意還堪謝分我窗前綠扇風

晚景云枯葦疾荷戰晚風漁家數掩水西東斜
陽倒送西山影蘸在寒江一鑑中冬日云連日
紫荊不肯開滿園落葉錦成堆家僮也學吾儂
懶任得風師掃一回得人如此可謂幽細入鑪
矣

赤嶽以己卯亡病中夜坐云孤燈影靜照三更
病骨何堪風露清似聽西方寶羅網無時無處
不蟲聲使人黯然寶網見石街詩

老杜云眼中之人吾老矣余吟吟其其衰老將
及所謂眼中之人亦復無幾今日隨和者唯有
容亭鏡水默庵數人猶可以當一樂矣容亭詩
前已錄存鏡水姓日根野名弘亨字大卿為上
藩監察詩才太豪余愛之敬之其詩將待明年
鐫之余已為冕一言今先胠篋拔其精華以敷
于世藕花風云無賴封姨妬艷粧殘紅難護水
雲鄉轉旋猶學潘妃步飄散誰縫神女裳浦口

日沈霞碎影湖心月動浪生香蘭舟蕩罷人愁
 絕秋意滿襟容易涼洗車雨云雨洗良宵溼綺
 羅只疑水漲決銀河雲於靈鵲橋邊密涼向金
 針樓上多承露千荷翠傾蓋憂風萬竹玉鳴珂
 天仙亦有尾生信待盡鸞車暗裏過七日有雨
 謂之洗車雨俗云天帝為織女洗車已涼云雨
 洗炎威久旱餘涼風陣陣入茅廬甌中脫得兼
 旬苦一點青燈試讀書冬曉云寒透重衾曉夢

慳推窓積雪滿柴關只有羣鴉堪不盡聲聲啼
 散玉屏山寒月云萬木風乾夜氣淒孤輪澄徹
 碧琉璃一朝后羿嗔偷藥應悔嚴霜凍殺妻讀
 陸詩云錦上葵花世所奇淡中濃味我初知也
 非豪健非纖巧只愛俗人不愛詩鏡水自云此
 吾安心立命之地亦可謂放翁知己矣佳句如
 出遊云村村翠靄無非柳處處香風都是梅菜
 花云輕香春鎖牛羊路嫩色日烘蜂蝶家除夜

云奴要療貧呈活法妻頻諫飲勸長生感懷云
今是何知今未是昨非更覺昨逾非自嘲云多
端情緒揚州鶴半世身謀越國雞皆得放翁髓
又看花有福春添閨七字太佳

默庵牧古愚字直卿狹貫松尾人貧無自資負
笈備後投管茶山管憐其才取置門館分給衣
食八九年間竟能成業東下之後就余而學
有淵源詩有根抵放他出一頭閉官云閉官恰

與懶夫宜晝永窗間坐似癡換韻重敲曾棄句
翻經猶覆昨輸棋茶香細爐煙裊燕語喃喃
簾日移回首自慚叨祿米笑來公事少於詩手
爐云形託鑄鎔能自剛於人腕底卜行藏棋窓
伴得輕飛玉禪榻迎來靜炷香炙手將同權相
勢熱中豈是逐臣腸憑君無復寒龜拍袖裏懷
春抵雪霜歸雁云關河雪盡柳依依旅雁魂驚
向北飛落後羈人將愧死夜來空夢故山薇曉

行聞秧雞云坐睡與窓破曉行水村山驛不知
程秧雞底事妨家夢夢恰成邊角角聲余每對
久語極哀其詩蒙其見贈云當代明鑑楊敬之
幾年評品萬人詩如何枉費陽秋舌到處殷勤
說項斯才雋如此舌爛固不足惜

長州文物之盛才彥輩出亦緣先哲餘澤未斬
吾今得數人臚列其詩以鳴其盛一吉井正路
字士義號河南酌酒對殘菊云菊開醅未熟醅

熟菊將凋把盞無多日經霜已幾宵賞情何可
慢衰色尚能嬌只恐寒飈動芬芳和醉消曉行
云驛樹蒼蒼落月斜幾分曙色到啼鴉誰知鞋
底繁霜白飛作羈人鬢上華一周布簡字子文
號藍陵客中元旦云客眉今曉展端眉春
海雲天送碧山雪日含銀麝玉磨新水烏皮掃
舊塵家書聊自作未見故鄉人村夜云漠漠秧
田水浸痕野蹊人去吠蛙喧孤燈一點空林裏

言詩林選 卷一
月黑山背數戶村一山田籬字良侯號豐澤宿
山家云山家人未眠篔簹水入厨傳犬吠松間月
懸啼竹外烟面青兒似鬼骨瘦叟將仙爐畔團
樂話誰知是葛天勸酒云醉鄉自有四時春休
道溫柔情味真若向方家論不老麻姑應讓八
仙人此諸人皆初為明倫館生員今多出為俗
吏雖困風塵詩興不衰真美事也更有湯淺父
子詩

湯淺明信字伯有號樗莊為相府掾海書之暇
吟咏自娛自命其居曰博依今秋罹疾無幾下
世遺詩若干錄其尤者初夏郊行云三春多事
負幽期猶及餘芳未歇時新筍穿苔妨屐齒殘
花臨水勒筇枝頹飄重買村中酒喚硯添題壁
上詩佳境更尋佳境去人家綠樹又還奇春日
僧院云紫思紅情頓洗空翠濤來聽萬松風醒
酬不是人間味春在清茶一碗中春夕客至云

言言本正 卷一
剥啄人來破睡魔，海棠花上月明多。有花有月無君問，奈此詩家風景何。夏夜云雨後移牀坐，月明滿衫，風露夜深清。一庭地白無纖翳，杜宇飛過影，有聲聞。樗莊平生喜黃山谷，詩今讀其詩，絕不相類。其子明清字伯文，號拙霞，隨余學。詩詩才清逸，突過前人。初夏林居云：愛靜林間新結茅，洒然塵俗不相交。風纔定處，蛛營網雨始收。時燕補巢貼水嫩，荷敷綠葉出墻揮。竹放

青梢晚窓清課知何業，一卷蘇詩隨意抄。水中鴈字云誰倩，飛鴻裁所思。數行書信寄馮夷，筆花簇簇洲蘆亂。鈎影斜斜渚月歌，風處波紋文破碎。兩前雲湧墨淋漓，藍箋一幅聯翩字奪取。無由供展披梅邊酌月，云梅邊把酒月方中。滿袖香薰陣陣風，爛醉應被嫦娥笑。花能顏白我顏紅，墨水看花云長堤。曲曲枕江流，酒氣茶香到處浮。夾路櫻花濃似雪，人人一步一回頭。夜

坐云兀坐茅堂欲二更燈前繙帙眼猶明半生
不解陽春脚門外輿飛嘔啞聲

揚井蘭洲孝婦行其事其詩俱足不朽前年有
人傳其原稿近又得改本比前轉加修飾今錄
其改本云巖淵之村一茅廬道是孝婦阿石居
偶以官事過其地土人喑喑艷稱渠作意踵門
親相見膏沐無施垢上面一種婉柔不消磨拜
我殷勤謝垂眷自陳伉儷元不愉葺水朝夕奉

舅姑一旦良人抱冤枉遠去他邦音耗無十年
孤燈守幽獨室空曾無檐石蓄裁縫紡績仰人
傭千辛兌得一斗粟不幸舅姑脚病痿拐然在
床難可醫千金求藥道安在一笑承歡竟無期
温清祿負唯竭力欲訴蒼天天固極只願良人
早歸家同心猶或可共職我聞其言淚如抽至
性如此世罕傳盍報世上滔滔者激揚清波變
濁流里正少哉夙好善一一上狀請旌顯我公

有命督有司賞賜再三重勸勉恩輝煌煌照鄉鄰政化一覃及窮民聊以蕪辭紀此事留待他日輜軒入巖淵在周防吉敷郡亦隸長州里正姓上田哀賜之事蓋在戊寅歲云

長府中川好一字子精號蕉窓其父鯉淵舊以詩況接時彥蕉窓初遊京師及栲亭山陰二叟之門後祇後來東執謁於余詩極間澹頗得放翁梗槩中山道中云漠漠陰雲不見晴深林晝

暗得魂驚行人最怯泥途惡錯認泉聲作雨聲初夏云雨餘庭院綠方肥粉蝶翅乾纔學飛梅子垂枝低到地摘來容易滿筐歸湖村月夕云湖村恰放晚來晴移棹忽忽見月明好事何人先取興金波蕩裡一舟行

相州佐子彥袖詩冊來語云此吾族人梅澤氏二子之遺草也一曰貞吉字子幹一曰政藏字克英皆不永年溘為異物二人自幼讀書又好

吟詩學語之作固非可傳但留一詩以存心血亦幸也生日以詩贄詩佛先生其墓銘亦請之詩佛矣嗚呼彼己為佛門弟子我豈得不相濟乎乃各抄一絕傳世誦之子幹春晚云林鶯何處語斜陽一榻眠醒幽味長不管小園春已老落花風裏煮茶香克英江村云一兩江村暖氣回急催柳眼到桃腮東風不與梅為地到處吹香雪作堆

井邑剛字子剛號毅齋常陸延方人少時寓奚疑塾詩有宿悟秋懷云雨餘涼氣坐來加簾捲西風感物華一種秋芳我同恨滿階泣露斷腸花黃白二蝶云上下迎風舞袖斜素瓊黃玉似相誇不知倦去誰家宿可入梨花入菜花鹿山賀英章字子煥盛岡邸守在鞅掌中學書賦詩自忘其為劇同佐賀管雪香月締臨池社又課邸中子弟使余講經講餘每以詩訂余詩

存唐氣亦有不專唐者題畫云兩人昨酌山花
開不惜一盃復一盃今曉養醒猶未起畸翁早
已抱琴來有感云牙琴自是少知音何處人間
有斷金我信聖經妻信佛丈方同室不同心皆
合作也

雪香中元見月云西風吹暑未全收已愛清光
來滿樓若使今春無閏月正當此夕是中秋余
已經一閱隔數日草堂會詩迨暮客散座上遺

一扇不知何人脫手漫取披之見題前日雪香
詩只怪前後頗換字句又疑或是後來所改細
就燈下讀之不是雪香詩即是關東陽詩云初
涼未冷中元夜皎皎清光滿畫樓但使當年無
閏月正知今夕是中秋雪香於東陽非有平素
無心脗合亦太奇矣東陽是鳳岡先生曾孫四
世名書加以文藻寔可欽也

田紫石襲乃父號今稱玄白銳意治術屢能起

廢名聲隨興不屑炫服盛飾以奔波時世千金
貴藥捐施貧匱亦畸人也余嘗為其題墨梅云
不同粉白守嬋娟還倩玄霜染入玄休問梅花
玄白別真詮只在得春先又題畫茄云光圓頭
腦歎彭亨老去自甘玄白名一任人嘲風致乏
只將真味養蒼生茄子亦有名玄白者兩詩皆
一時戲作寓名于句中以取一笑玄白常謂余
曰我之術即君之詩一以神行余唯唯而已

米庵以辛巳春應宗國辟徙仕加藩班秩踰等
榮耀一時臨池發跡近今所未有書喜三絕其
一云血刃戰千場一縣不易獲毛錐幾許功賜
祿過三百又得古鎧二絕云金鑿銀甲鐵蛇鱗
朱紺組紉耀日新偃武即今無用處幸然翻作
太平珎何羊古鎧銀龍文一領穿來策底勲換
却書生寒乞相儼然自笑似將軍皆頗存抑損
之意

詩佛亦以辛己北遊，誓留累月，歸後盛稱。加藩國老橫山致堂大夫文彩風流，卓絕一代。余於大夫未通一謁，但前年讀其海棠園合集，已欽其為人。及聞詩佛言，益切景慕之意。詩佛所鑄其北遊詩草，其中強半載，與大夫填荒長律，鏤本未出，先摘幾首，以逗消息。贈詩佛云：先生醉墨似張奭，雄辯又能驚四筵。千里北遊新活計，他時東去舊因緣。風流好事比前輩，素髮蒼顏

同。故年莫道姓名身後，誤即今已。向世間傳青顏，朝士老先生偶向吟壇如弟兄。人笑年來詩只樂，天教吾輩酒同傾。此遊可記他時夢，相見偏親舊雨情。玉唾珠談總多趣，不知世上有功名。詩佛和云：白髮書生狂且真，青顏朝士屢開筵。已忘肥馬輕裘念，且結清風明月緣。筆硯猶能娛老境，雪霜不怕迫窮年。空壇元自無觴政，玉杓瓊杯手自傳。此公謙遜出天生，對酌傳盃

似弟兄世上風塵因我擲閑中懷抱為君傾踈
松密竹林泉景竒石怪巖丘壑情一笑相携後
園飲輞川綠野兩難名其詩依韻唱和至六至
七兩陣解嚴猶有餘勇其豪可想大夫嘗有詩
云飽愛清閑忘世情小詩排悶不求名致堂唯
有箇真樂一任高人月旦評我亦深有愧其言
大夫名孝字誼夫巨室所慕治下詩人彬彬不
可枚舉吾將待來年而羅之

海棠園合集收其內子津田氏遺詩內子名桂
字依之號蘭蝶蘭枯蝶化纔留剩芳恨豈可言
今就中抄出二首夏意云日長睡起正凭欄兩
後薔薇露未乾小婢戲追雙蛺蝶飛過簾外又
成團偶成云綠窓起坐繡簾垂香動合歡花滿
枝一任傍人喚踈懶從來不畫入時眉大抵閨
秀能詩難得其人況乃內子必琴相和同此風
雅趙管之後未見其比寶婺失光抑亦天矣

老杜竹根稚子注者為筍為稚為宗文種種聚
 訟竟無的說按何喬遠南產忘竹根有歲名稚
 子人或竹刺入肉不可出者啗此物立消以其
 食竹也是說之最奇者書以資談柄原迪齋亦
 嘗為余言之

山谷以竹夫人為名不副職改命曰青奴自作
 二絕句後之咏物家仍咏竹夫人而青奴則無
 聞余塾課偶出此題余詩先成云前身或是衛

將軍故替夫人自策勳族出渭川元不賤才非
 梁苑竟無文冰心一味虛堂月蝶夢三生禪榻
 雲冷笑錫婆偏附熱苦將清節過炎氣一時咏
 者甚多唯建齋世子作足稱全璧云努力從公
 隨處移恩深夜夜勝奚兒名雖賤劣清誰敵質
 為高虛塵自離月榻送涼醒可解風林獲夢熱
 無知老來縱守歲寒節已換苗初青壯姿他如
 水里云肯同葵扇就忙職獨與秋筍獻睡方薪

齋云三伏虛心隨給使半世盡助清涼鏡水
云堅節應陳犯顏諫虛心或有愛才名屬意皆
佳恨全首多不相稱

有京客來示賴子成西遊藁一卷聞子成昨遊
鎮西諸州即係其時諸作心胸筆力凌轍蘇范
讀之如享大牢之饗今姑錄長崎薩摩二詞以
志嚮之嗜長崎詞云捧茗添香頤使中雙雙
眼語意何窮洞房不用煩傳譯自有靈犀一點

通盈盈積水隔音塵穿眼來帆阿那邊自慰吾
儂賦織女一羊兩度迂郎船髮側釵橫夢一場
尤雲殢兩耐他狂眠醒蜀帳春如海銀鼎燒餘
真臘香薩摩詞云相逢疏客市麪間言語牙牙
雜漢蠻御墨京毫諧價直自稱兩度入燕山一
枕仙遊萬斛珠賺他王子伴華胥中山應有龍
陽泣唯愛扶桑五色魚螺青洞畫兩脩蛾六拍
齊謳白水歌誰謂銀簪學時樣兒家要壓鬢髮

歸

子成又有菊池氏戰場歌云六政之元十一月
余下菟水就舟筏水流如箭萬雷吼過之使人
豎毛髮居民何記興正際過客獨想已亥歲當
時國賊擅鷓張七道望風助豺狼勒王諸將前
後沒西陲獨餘臣武光哀痛遺詔猶在耳擁獲
龍種同生死大舉入寇彼何人擔翦滅之報天
子河亂軍聲代銜枚刀戟相摩八千師馬傷胃

裂氣益奮斬敵取胄奪馬騎被箭如蝟目摧裂
六韋賊軍皆挫折歸來河水笑洗刀血迸奔湍
噴紅雪四世全節誰與侶九國逡巡征西府隸
萼未肯向北風殉國劍傳自乃父嘗却明使壯
本朝豈與恭獻同日語丈夫要貴知順逆少貳
大友何狗鼠河流滔滔去不還遙望肥額拱南
雲千載姦黨骨亦朽獨有苦邱傳芳芬聊弔鬼
雄歌長句猶覺河聲激餘怒殆吾宗吐氣讀

言詩補遺
卷二
之距躍三百

五山堂詩話補遺 三編 近刻

京堀川通佛光寺下町

植村藤右衛門

大坂心齋橋筋傳馬町

鹽屋長兵衛

書林

江戶形町通乘物町

鶴屋金助

全馬喰町二丁目

西村與八

